

ଯୋଜନକ ପ୍ରଥମ ପତ୍ର ଜହନ ରାଠାମାନି ର ଲମ୍ବର ଆକୁ ମୂଲ୍ୟ ହାତା

ଜହନ ରାଠିତି ର ଲମ୍ବର ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷୀ ତାୟ ପାଣ୍ଡୁଓଆହାମାନି ଜହନ ରାଠାମାନେସି □ ଜହନ ଜାହାରାଇଁ ଇ ଆକୁତି ରାଠାମାଇଁ ଇଞ୍ଜିଁ ଖେସି ହିଲଅସି, ସାମା ଜହନ ତଲିତି ଆକୁତା ଏଞ୍ଜାସି ଜୀସୁ କ୍ରୀସ୍ତତି ନୀତାମାତାଣି ଅଡ଼େ ହାହାନା ଖେଣ୍ଡେ ନିଞ୍ଜାତାଣି କାନୁ ତଲେ ମେସାମାନମି ଇଞ୍ଜିଁ ସାକି ହୀହିମାନେସି ୧:୧-୩ □ ଜହନତି ର ଲମ୍ବର ପତି ଅଡ଼େ ଜହନ ରାଠିତି ନେହଁ କାରୁତି କାତା ରଣ୍ଡିଏ ସମାନା ଲେହେଁ ଆହିମାନେ □ ଏଚିବେଲାତା ଏଞ୍ଜାସି ଏପିସିୟ ଗାଡ଼ାତା ମାଚେସି ଏମ୍ବାଆଁ ଏଞ୍ଜାସି ଜହନ ରାଠିତି ନେହଁ କାରୁ ଅଡ଼େ ଜହନ ର ଲମ୍ବର ଆକୁ, ଜହନ ରୀ ଲମ୍ବର ଆକୁ, ତାନି ଲମ୍ବର ଆକୁ ରାଠାମାଚେସି ଇଞ୍ଜିଁ ନାମିମାନେରି □

ବୁଦିଗାଗାତମି ଇଞ୍ଜାକତିମାନି ର ଗତିତି ଲକୁ ତାଣାଟି କୁଲମି କସ୍ତ ବେଗାଆହି ମାଚାଟି ଜହନ କ୍ରୀସ୍ତାନା ଲକୁକି ଇ ଆକୁ ରାଠିମାଚେସି □ ଏଞ୍ଜାରି ନାମୁ ଜୀସୁ ସାତେଏ ମାହାପୁରୁ ମାଚେସି ସାମା ଦାରୁତିତା ମାଚିବେଲାତା ଏଞ୍ଜାସି ଉଞ୍ଜା ଅଡ଼େ ନେତେରିତି ମାଣ୍ଡସି ହିଲାଆତେସି □ ଜହନ ଜୀସୁ କ୍ରୀସ୍ତଇଁ କାନୁ ତଲେ ମେସାମାନି ସାକି ଅଡ଼େ ତାନି କେୟୁ ଏଞ୍ଜାଣାଇଁ ତୀଗାମାନାକି ଏଞ୍ଜାସି ଇଦାଆଁ ରାଠାମାନେସି, ୧:୧-୩ □ ଜହନ ଇ ଆକୁତି ରାଠିନି କାତା ଆହିମାନେ ତାନି ରାହାଁତି ହାରେପୁରେ କିନାୟି ୧ଜହ ୧:୪ ଅଡ଼େ ନାମୁ ଗାଗାରାଇଁ ପାପୁ ପିସାଲି ତାକି ୧ଜହ ୨:୧ ଅଡ଼େ ମିତି ଜାପୁନାରି ତାଣାଟି ନାମୁ ଗାଗାରାଇଁ ଗେଲ୍ପାଲି ୧ଜହ ୨:୨୬ ନାମୁ ଗାଗାରାଇଁ ଗେଲ୍ପି ଆହାମାଞ୍ଜେରି ଇଞ୍ଜାଲି ୫:୧୩ □

ପତିତା ମାନାୟି

- ୧ ଆକୃତି ପୁଣ୍ୟକିନାୟି ଅଡ଼େ ରାଡ଼ିମାନି କାତା ଖେହ୍ନାୟି □
୧:୧-୪
- ୨ ମାହାପୁରୁ ଏନିକିଁ ଉଜେଡ଼ି ଅଡ଼େ ଜୀସୁ ଲେହେଁ ନୀତାଲି
ଖେସାମାନେସି □ ୧:୫-୩:୧୦
- ୩ ରଅସି ରଅଣାଇଁ ଜୀସୁ ନନାଣି ଖେଣ୍ଡେ ଅଣ୍ଡି କିନାୟି □ ୩:୧୧-
୫:୧୨
- ୪ ଆକୃତି ରାପ୍ନାୟି □ ୫:୧୩-୨୧

ଜୀସୁତି ବଲୁ

୧ ✧ମୁଲୁଏ ଆମ୍ବାଆସି ମାଚେସି, ମାମ୍ବୁଏଝାଣି ବଲୁ ଖେଞ୍ଜାମାନମି, ଆମ୍ବାଆରାଇଁ ମା କାନୁ ତଲେ ମେସାମାନମି, ଆମ୍ବାଆରାଇଁ ନେହିକିଁ ସିନିକିହା ମାନମି ଅଡ଼େ ମା କେସ୍ତାତଲେ ଡୀଗାମାନମି, ଏ ଜୀସୁଲେହେଁତି ବଲୁତି କାତା ଖେସିମାଞ୍ଜାନମି □

୨ ✧ଏ ଜୀସୁ ତଞ୍ଜାଆଡ଼େ, ଇଞ୍ଜା ମାମ୍ବୁମେସ୍ତମି ଅଡ଼େ ସାକି ହୀହିମାଞ୍ଜାନମି; ଆମିନି କାଲାକାଲାତି ସୁଦୁଜୀସୁ ଆବା ତଲେ ମାଚେ, ଅଡ଼େ ମା ତାଣା ତଞ୍ଜାଆଡ଼େସି ଏଝାଣି କାତା ମିଙ୍ଗେ ଖେସିମାଞ୍ଜାନମି □

୩ ମାମ୍ବୁଏନାଆଁ ମେସାମାନମି ଅଡ଼େ ଖେଞ୍ଜାମାନମି, ଏଦାଆଁ ମିଙ୍ଗେ ଜିକେଏ ଖେସିମାଞ୍ଜାନମି, ଏନିକିଁ ମୀରୁ ଜିକେଏ ମା ତଲେ ଆଣ୍ଡାଲି ଆଡାଦେରି; ଅଡ଼େ ମା ଆଣ୍ଡାମାନାୟି ଆବା ଅଡ଼େ ତାନି ମୀରଏଣା ଜୀସୁ କ୍ରୀସ୍ତ ତଲେ ମାନେ □

୪ ମା ରାହାଁ ଏନିକିଁ ହାରେ ପୁରେ ଆନେ ଇଦାଣିତାକି ଇ ବାରେ ମାମ୍ବୁରାଡ଼ିମାଞ୍ଜାନମି □

ମାହାପୁରୁ ଉଜେଡ଼ି

୫ ମାମ୍ବୁଏଝାଣି ତାଣାଟି ଆମିନି କାରୁ ଖେଞ୍ଜାମାନମି, ଅଡ଼େ ଖେସିମାଞ୍ଜାନମି, ଏ କାରୁ ଇଦି, ମାହାପୁରୁ ଉଜେଡ଼ି, ତାନି ତାଣା ଆଦେରି ହିଲ୍‌ଖୁଏ ହିଲେଏ □

୨ ମାମୁ ଆନ୍ଦେରିତା ମାଞ୍ଜାନା ମାହାପୁରୁ ତଲେ ଆଶୁଓଆହା ମାନାୟି ଇଞ୍ଜିଁ ଖେସ୍ତିହଁ, ମାର ମିତି ଖେହ୍ନାତାୟି, ଅଡ଼େ ମାର ସାତା ତଲେ ତାକିହିଲାଆୟି □

୩ ସାମା ଏଞ୍ଜାସି ଏନିକଁ ଉଜେଡ଼ିତା ବାସା ଆହାମାନେସି, ମାର ଜିକେଏ ଏଲେକିହଁଏ ଉଜେଡ଼ିତା ତାକିନାୟି, ଆତିହଁ ମାର ରଅସି ରଅଣି ତଲେ ଆଶୁଓଆନାୟି ମାନେ, ଅଡ଼େ ତାନି ମାରଏଣା ଜୀସୁ ନେତେରି ମା ବାରେ ପାପୁତି ନରହାନେ □

୪ ମା ତାଣା ପାପୁ ହିଲେଏ ଇଞ୍ଜିଁ ଖେହ୍ନାୟି, ଆତିହଁ ମାର ମାଜେଏ ନାଡ଼ି କିହାକତିମାନାୟି, ଅଡ଼େ ମା ତାଣା ସାତା ହିଲେଏ □

୫ ସାମା ମାମୁ ପାପୁ କିହାମାନମି ଇଞ୍ଜିଁ ମାହାପୁରୁ ନକିତା ଖେହ୍ନାୟି, ଆତିହଁ ଏଞ୍ଜାସି ମା ପାପୁ ବାରେ ମେକ୍ହାଲି ଅଡ଼େ ବାରେ ଲାଗେଏ ପଡ଼େଏ ତାଣାତି ଅଟ୍ହାଲି ନାମୁ ଅଡ଼େ ତୀରିଗାଟାସି □

୬ ମାର ପାପୁ କିହା ହିଲାଆୟି ଇଞ୍ଜିଁ ଇନାୟି, ଆତିହଁ ମାର ମାହାପୁରୁଇଁ ମିତି ଗାଟାସି କିହିମାନାୟି, ଅଡ଼େ ତାନି ବଲୁ ମା ତାଣା ହିଲେଏ □

୨

କ୍ରୀସ୍ତ ଗେଲ୍‌ପାନସି

୭ ଏ ନା ମୀରକା ମାସ୍‌କାତେରି ମୀରୁ ଏନିକଁ ପାପୁ କିଅତେରି, ଇଦାଆଁତାକି ଇ ବାରେ ମୀ ତାଣା ରାଡ଼ିମାଞ୍ଜାଇଁ □ ସାମା ଆମ୍ବାଆସି ପାପୁ କିନେସି, ଆତିହଁ ମା ଝାକି ଆହାନା ଆବା ତାଣା ବାଡ଼ିମାଲିନାସି ରଅସି ମାନେସି, ଏଞ୍ଜାସି ଦାର୍ମୁଗାତି ଜୀସୁ କ୍ରୀସ୍ତ □

୮ କ୍ରୀସ୍ତ ମା ପାପୁ ତାକି, ଝାରଇ ମା ପାପୁ ତାକି ଆଏ, ସାମା ଦାର୍ତତି ବାରେ ଲକ୍ଷୁତି ପାପୁ ତାକି ଡାକିତି ପୂଜାଲେହେଁ ଅଡ଼େସି □

୯ ମାର ମାହାପୁରୁତି ହୁକୁମି ମାନଓ ଆନାୟି, ଆତିହଁ ଏମ୍ବାତି ପୁଞ୍ଜାଲି ଆଡ଼ିନାୟି, ଏଞ୍ଜାଣାଇଁ ସାତାତଲେ ପୁଞ୍ଜାମାନାୟି □

୪ ତାନି ହୁକୁମି ମାନୁଷି ଆଥାନା ଆମ୍ବାଆସି ନାନୁ ଏଞ୍ଜାଣାକ୍ ପୁଞ୍ଜାମାକ୍ ଇଞ୍ଜିଁ ଜଳିନେସି, ଏଞ୍ଜାସି ମିତି ଗାଟାସି ଏଞ୍ଜାଣି ତାଣା ସାତା ହିଲେଏ □

୫ ସାମା ଆମ୍ବାଆସି ତାନି ହୁକୁମି ମାନୁଷି ଆନେସି, ଏଞ୍ଜାଣି ତାଣା ମାହାପୁରୁତି ସାତା ଜୀଞ୍ଜନନାୟି ପୁରା ଆହାମାନେ, ଏମ୍ବାଟିଏ ମାର ପୁଞ୍ଜାଲି ଆଡିନାୟି ମାର ମାହାପୁରୁ ତାଣା ମାନାୟି □

୬ ଆମ୍ବାଆସି ନାନୁ ମାହାପୁରୁ ତଲେ ଡୟିକ୍ ଇଞ୍ଜିଁ ଇନେସି, ଏଞ୍ଜାସି ଜୀସୁ କ୍ରୀସ୍ତ ନୀତା ମାଚିଲେହେଁ ନୀଡିନାୟି ମାନେ □

ପୁଞ୍ଜି ହୁକୁମି

୭ ☆ଏ ନା ଜୀଞ୍ଜୁତି ତଡେସିଜାତେରି ନାନୁ ମୀ ତାଣା ଏନି ପୁଞ୍ଜି ହୁକୁମି ରାଡିମାଞ୍ଜାଅଁ, ସାମା ତଲିଟିଏ ଆମିନି ପୁଞ୍ଜି ହୁକୁମି ବେଟା ଆହାମାଞ୍ଜେରି, ଏଦାଆଁ ରାଡିମାଞ୍ଜାକ୍; ମୀରୁ ଆମିନି ବଜୁ ଶେଞ୍ଜାମାଞ୍ଜେରି, ଏଦିଏ ପୁଞ୍ଜି ହୁକୁମି □

୮ ଅଡେ ନାନୁ ନୀଏଁ ମିଜେ ପୁଞ୍ଜି ହୁକୁମି ଲେହେଁ ରାଡିମାଞ୍ଜାକ୍, ଇଚିହଁ ଏଦି କ୍ରୀସ୍ତ ତାଣା ଅଡେ ମୀ ତାଣା ଜିକେଏ ସାତା ଇଞ୍ଜିଁ ତଞ୍ଜାଆନେ, ଇଚିହଁ ଆନେରି ଗୁରା ଆହିମାନେ ଅଡେ ସାତା ଉଜେଡି ତଞ୍ଜାଆଡେୟିଏ □

୯ ଆମ୍ବାଆସି ତାନି ତାୟି ତାଜିକ୍ ଅପାଆନା ନାନୁ ଉଜେଡିତା ମାକ୍ ଇଞ୍ଜିଁ ଇନେସି ଏଞ୍ଜାସି ନୀଏଁ ପାତେକା ଆନେରିତା ମାଞ୍ଜାମାନେସି □

୧୦ ଆମ୍ବାଆସି ତାନି ତାୟି ତାଜିକ୍ ଜୀଞ୍ଜୁ ନନେସି ଏଞ୍ଜାସି ଉଜେଡିତା ମାଞ୍ଜାମାନେସି, ଇଞ୍ଜା ଏଞ୍ଜାଣି ତାଣା ପୁଟି କିନାୟି ଏନାୟି ହିଲେଏ □

୧୧ ସାମା ଆମ୍ବାଆସି ତାନି ତାୟିକ୍ ଅପିହିଲଅସି ଏଞ୍ଜାସି ଆନେରିତା ମାନେସି, ଅଡେ ଆନେରିତା ତାକି ତାକିହଁ ଆମ୍ବିୟାଞ୍ଜାକି ହାଜିମାନେସି, ଏଦାଆଁ ପୁନଅସି, ଇଚିହଁ ଆନେରି ତାନି କାଣ୍‌କାଣି କାଣା କିହାମାନେ □

୧୨ ଜୀଝୁତି କକାରି ପଦାଁତେରି ନାନୁ ମିଙ୍ଗେ ରାଢ଼ିମାଞ୍ଜାଇଁ, ଏନାଆଁତାକି ଇଚିହିଁ କ୍ରୀସ୍ତ ଦରୁତଲେ ମୀ ପାପୁ ବାରେ ମେଣ୍ଟାମାନେ □

୧୩ ତାଞ୍ଜୁଁତେରି ନାନୁ ମିଙ୍ଗେ ରାଢ଼ିମାଞ୍ଜାଇଁ, ଏନାଆଁତାକି ଇଚିହିଁ ଆମ୍ବାଆସି ମୁଲୁଟିଏ ମାନେସି, ଏଞ୍ଜାଣାଇଁ ମୀରୁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟାଁତେରି ନାନୁ ମିଙ୍ଗେ ରାଢ଼ିମାଞ୍ଜାଇଁ, ଇଚିହିଁ ମୀରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି □

୧୪ କକାରି ପଦାଁତେରି ନାନୁ ମିଙ୍ଗେ ରାଢ଼ିମାଞ୍ଜାଇଁ ଏନାଆଁତାକି ଇଚିହିଁ ମୀରୁ ଆବା ମାହାପୁରୁଇଁ ପୁଞ୍ଜାମାଞ୍ଜେରି, ଏ ଆବାୟାଁତେରି ନାନୁ ମିଙ୍ଗେ ରାଢ଼ିମାଞ୍ଜାଇଁ ଏନାଆଁତାକି ଇଚିହିଁ ଆମ୍ବାଆସି ମୁଲୁଟିଏ ମାନେସି ଏ କ୍ରୀସ୍ତଇଁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟାଁତେରି ନାନୁ ମିଙ୍ଗେ ରାଢ଼ିମାଞ୍ଜାଇଁ ଏନାଆଁତାକି ଇଚିହିଁ ମୀରୁ ବାଡ଼ୁୟୁ ଗାଗାତେରି, ଅଡ଼େ ମାହାପୁରୁତି ବଲୁ ମୀ ତାଣା ମାନେ ଅଡ଼େ ମୀରୁ ଲାଗେଏ ପଲେଏତାଣି ଜୀଣା ଆହାମାଞ୍ଜେରି □

ଦାର୍ତତି ଜୀଝୁ ନଆଦୁ

୧୫ ଦାର୍ତତି ଅଡ଼େ ଏମ୍ବାଆଁ ମାନାଣି ବାରେତି ଜୀଝୁ ନଆଦୁ, ଆମ୍ବାଆସି ଦାର୍ତତି ଜୀଝୁ ନନେସି, ଏଞ୍ଜାଣି ତାଣା ମାହାପୁରୁ ଆବାତି ଜୀଝୁନନାୟି ହିଲେଏ □

୧୬ ଇଚିହିଁ ଆଜ୍ଞାତି ଜୁପକା, କାନୁତି ଜୁପକା, ଅଡ଼େ ଦନତି ବତପଣ, ଦାର୍ତତି ମାନାୟି ଇ ବାରେ ମାହାପୁରୁ ଆବା ତାଣାଟି ଖାହାହିଲେଏ ସାମା ଦାର୍ତତି ଗାଡ଼ି ଆହାମାନେ □

୧୭ ଦାର୍ତ ଅଡ଼େ ଏମ୍ବାଆଁ ମାନି ଜୁପକା କାଲେଏ ତାକି ଆଏ, ସାମା ଆମ୍ବାଆସି ମାହାପୁରୁତି ଇଚାତି ମାନୁଞ୍ଜି ଆନେସି ଏଞ୍ଜାସି କାଲେଏ ତାକି ତୀରି ଆନେସି □

କ୍ରୀସ୍ତସି ସାତୁ

୧୮ ଜୀଝୁତି କକାରି ପଦାଁତେରି ରାନ୍ତି କାଲ୍ଲା ଏଗାଞ୍ଜାତେୟିଏ, ନାଡ଼ିକିନି କ୍ରୀସ୍ତ ଖାନେସି ଇଞ୍ଜୁଁ ମୀରୁ ଏନିକ୍ ଖେଞ୍ଜାମାଚେରି, ଏଲେକିହିଁ ଏ ନୀଏଁ ଜିକେଏ ହାରେକା ନାଡ଼ିକିନି କ୍ରୀସ୍ତୟାଁ

ନିର୍ଦ୍ଦେଶିତ; ଇଦାଆଁତାକି ମାର ପୁଞ୍ଜମାନାୟି ଦୁଗୁ ରାନ୍ଦି କାଲା ଏଦାତେୟିଏ □

୧୯ ଏଞ୍ଜାରି ମା ବିଦ୍ରାଟି ହଡ଼େରି, ସାମା ମା ଗଚିତି ଲକୁ ହିଲାଆତେରି; ଏଞ୍ଜାରି ମା ଗଚିତି ଲକୁ ଆଡ଼ିହିଁମା, ଏଞ୍ଜାରି ମା ତଲେ ଡ଼ୟିତେରିମା; ସାମା ବାରେ ମା ଗଚିତି ଲକୁ ଆଏ, ଇଦି ଏନିକିଁ ତଞ୍ଜାଆନେ, ଇଦାଆଁତାକି ଏଞ୍ଜାରି ହରାହାଚେରି □

୨୦ ସାମା ମାରୁ ଏ ସୁଦୁ ଗାଟାଣା ତାଣାଟି ବର ବେଟାଆହାମାନାକି ମାରୁ ବାରେତେରି ବୁଦି ବେଟାଆହାମାଞ୍ଜେରି □

୨୧ ମାରୁ ସାତାତି ପୁଞ୍ଜାହିଲାଆକି ନାନୁ ମିଙ୍ଗେ ରାଡ଼ିମାଞ୍ଜାକି ଏଦି ଆଏ, ସାମା ମାରୁ ସାତାତି ପୁଞ୍ଜାମାନାକି ଅଡ଼େ ସାତାଟି ଏଚେଲାଞ୍ଜା ମିତି ହଏ ଇଞ୍ଜିଁ ମାରୁ ପୁଞ୍ଜାମାନାକି ନାନୁ ମିଙ୍ଗେ ରାଡ଼ିମାଞ୍ଜାକି □

୨୨ ଜାସୁକିଁ କ୍ରୀସ୍ତ ଆଏ ଇଞ୍ଜିଁ ଆମ୍ବାଆସି ଖେହ୍ନେସି, ଏଞ୍ଜାଣି ତାଣାଟିଏ ମିତି ଖେହ୍ନାସି ଆମ୍ବାଆସି ? ଅଡ଼େ ଆମ୍ବାଆସି ଆବା ଅଡ଼େ ମାରଏଶାକିଁ ଇ ରିଆରାକିଁ ଜିକେଏ ଅପଅସି ଏଞ୍ଜାସିଏ ନାଡ଼ିକିନି କ୍ରୀସ୍ତ □

୨୩ ଆମ୍ବାଆସି ମାରଏଶାକିଁ ଅପଅସି ଏଞ୍ଜାସି ଆବାକିଁ ବେଟାଆହାହିଲଅସି, ଆମ୍ବାଆସି ମାରଏଶାକିଁ ଆବିନେସି, ଏଞ୍ଜାସି ଆବାକିଁ ଜିକେଏ ବେଟାଆହାମାନେସି □

୨୪ ମାରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମା ତାଣା ଡ଼ୟାପେ, ମାରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମା ତାଣା ଡ଼ୟିତିହିଁ, ଆଡ଼ିହିଁ ମାରୁ ଜିକେଏ କାଲେଏ ଆବା ଅଡ଼େ ମାରଏସି ଜାସୁ ତାଣା ଡ଼ୟିଦେରି □

୨୫ ଅଡ଼େ କ୍ରୀସ୍ତ ମାଙ୍ଗେ ଏନାଆଁ ଆଞ୍ଜାମାଞ୍ଜାନେସି ଏଦି କାଲାକାଲାତି ଜାସୁ □

୨୬ ଆମ୍ବାଆରି ମିଙ୍ଗେ ନାଡ଼ି କିୟାଲି ଅଶ୍ୱାପାନେରି, ଏଞ୍ଜାରି ତାଣାଟି ଜାଗ୍ରାତା ଆହାଲି ନାନୁ ମା ତାଣା ଇ ବାରେ ରାଡ଼ିମାଞ୍ଜାକିଁ □

୨୭ ସାମା ମାରୁ ଏଞ୍ଜାଣି ତାଣାଟି ଆମିନି ସୁଦୁଜାସୁତି ବର ବେଟାଆହାମାଞ୍ଜେରି, ଏଦି ମା ତାଣା ଡ଼ୟାମାନେ, ଇଞ୍ଜା ଆମ୍ବାଆସି ମିଙ୍ଗେ ଜାପୁହାନେସି, ଏଦି ମିଙ୍ଗେତାକି ଲଡ଼ା ହିଲେଏ, ସାମା ଏଞ୍ଜାଣି ତାଣାଟି ଆମିନି ବର ବେଟାଆହାମାଞ୍ଜେରି ଏଦି ମିଙ୍ଗେ ଆମିନି କାତା

ଜାପୁହାନେ, ଏଦି ସାତା, ମିଚି ଆଏ; ଇଦାଆଁତାକି ଏ ଜାପୁନାଣି ତଲେ ଏଝାଣି ତାଣା ତୟାଦୁ □

୨୮ ନା ଜାଝୁତି ମୀରକା ମାସ୍କାତେରି, କ୍ରୀସ୍ତ ତଲେ ଆଣ୍ଡାନା ତୟାଦୁ, ଏନିକି ଏଝାସି ଏଚିବେଲା ତଞ୍ଜାଆନେସି, ଏଚିବେଲା ତାନୁ ଝାନାଟି ତାନି ନକିତା ମାର ଲାଜା ଆଆନା ସାସା ମେଡାଆନାୟି □

୨୯ କ୍ରୀସ୍ତ ଦାର୍ମୁଗାଟାସି, ଇଦାଆଁ ପୁନାୟିମାନେ, ଆତିହି ଆମ୍ବାଆସି ଦାର୍ମୁକାମା କିନେସି, ଏଝାସି ଏଝାଣି ତାଣାଟି ଜାର୍ନା ଆହାମାନେସି, ଇଦାଆଁ ଜିକେଏ ପୁଞ୍ଜୁ □

୩

ମାହାପୁରୁତି ମୀରକା ମାସ୍କା

୧ ☆ମେହଦୁ ଆବା ମାଙ୍ଗେ ଏନିକି ଜାଝୁ ନନାଣି ହୀହାମାଞ୍ଜାନେସି, ମାର ମାହାପୁରୁତି ମୀରକା ମାସ୍କା ଇଞ୍ଜି ଝେଙ୍ଗିନାୟି, ଅଡେ ମାର ଏଲେକିହି ଏ ଆହାମାନାୟି □ ଇଦାଆଁତାକି ଦାରତି ମାଙ୍ଗେ ପୁଞ୍ଜିମାଞ୍ଜେଏ, ଇଚିହି ଏଦି ଏଝାଣାଇ ଜିକେଏ ପୁଞ୍ଜା ହିଲାଆତେ □

୨ ଏ ନା ଜାଝୁତି ତରେସିଙ୍ଗା, ନୀଏଁ ମାର ମାହାପୁରୁତି ମୀରକା ମାସ୍କାତାୟି, ଅଡେ ତାୟୁ ଏନି ଆନାୟି, ଏଦି ନୀଏଁ ପାତେକା ତଞ୍ଜା ଆହା ହିଲେଏ, ମାର ପୁଞ୍ଜାମାନାୟି, କ୍ରୀସ୍ତ ଏଚିବେଲା ତଞ୍ଜାଆନେସି, ଏଚିବେଲା ମାର ଜିକେଏ ଏଲେକିହି ଏ ଆନାୟି, ଇଚିହି ଏଝାସି ଏନିଲେହେକି ମାର ଏଲେକିହି ଏ ଏଝାଣାଇ ମେହନାୟି □

୩ ଅଡେ ଆମ୍ବାଆସି ଜିକେଏ କ୍ରୀସ୍ତ ଜୀସୁ ତାଣା ଇ ବାର୍ସୁ ଇଟାମାନାସି, ଏଝାସି ଏନିକି ସୁଦୁଗାଟାସି, ଏଝାସି ଏଲେକିହି ଏ ତାଙ୍ଗେ ଅର୍ହା କଡିନେସି □

୪ ଆମ୍ବାଆସି ପାପୁ କିନେସି, ଏଝାସି ମାହାପୁରୁତି ହୁକୁମି ଡରିନାସି, ଏନିଇଚିହି ହୁକୁମି ଡରିନାୟିଏ ପାପୁ □

୫ *ମାର ପୁଞ୍ଜାମାନାୟି, କ୍ରୀସ୍ତ ପାପୁ ଢେକା ଅହାଲି ଖାଡ଼େସି, ଇଞ୍ଜା ଏଞ୍ଜାଣି ତାଣା ପାପୁ ହିଲେଏ □

୬ ଆମ୍ବାଆସି କ୍ରୀସ୍ତ ତାଣା ଢୟିନେସି, ଏଞ୍ଜାସି ପାପୁ କିଅସି; ସାମା ଆମ୍ବାଆସି ପାପୁ କିନେସି, ଏଞ୍ଜାସି କ୍ରୀସ୍ତଇଁ ମେସାହିଲଅସି କି ଏଞ୍ଜାଣାଇଁ ପୁଞ୍ଜାହିଲଅସି □

୭ ନା ଜୀଞ୍ଜୁତି କକାରି ପଦାଁତେରି ଆମ୍ବାଆରି ମିଙ୍ଗେ ନାଡ଼ି କିୟାଆପେରି; ଆମ୍ବାଆସି ଦାର୍ମୁକାମା କିନେସି, କ୍ରୀସ୍ତ ଏନିକିଁ ଦାର୍ମୁଗାଟାସି, ଏଞ୍ଜାସି ଜିକେଏ ଏଲେକିଁ ଦାର୍ମୁଗାଟାସି ଆନେସି;

୮ ଆମ୍ବାଆସି ପାପୁ କିନେସି, ଏଞ୍ଜାସି ସୟତାନତି ଜାର୍ନା ଆଡ଼ାସି, ଇତିହିଁ ସୟତାନ ତଲିଟିଏ ପାପୁ କିହିଁ ଖାହିମାନେ, ସୟତାନତି କାମା ନାସା କିୟାଲି ମାହାପୁରୁ ମୀରଏସି ଖାଡ଼େସି □

୯ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ପାପୁ ଅଡ଼େ ଖେଣ୍ଡେ କିଅସି, ଇତିହିଁ ମାହାପୁରୁତି ଗୁଣୁ ଏଞ୍ଜାଣି ତାଣା ମାନେ, ଅଡ଼େ ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନାକି ପାପୁ କିହାଲି ଆଡ଼ଅସି □

୧୦ ଆମ୍ବାଆରି ମାହାପୁରୁତି ମୀରକା ମାସ୍କା ଅଡ଼େ ଆମ୍ବାଆରି ସୟତାନତି ମୀରକା ମାସ୍କା, ଏଡ଼ି ତଞ୍ଜାଆନେ; ଆମ୍ବାଆସି ଦାର୍ମୁକାମା କିଅସି, ଇଞ୍ଜା ତାୟି ତାଲିଇଁ ଜୀଞ୍ଜୁ ନଅସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାହିଲଅସି □

ରଅସି ରଅଣାଇଁ ଜୀଞ୍ଜୁନନାୟି

୧୧ *ଇତିହିଁ ରଅସି ରଅଣାଇଁ ଜୀଞ୍ଜୁନନାୟି ମାନେ ଇ ହାଡ଼ା ମୁଲୁଟିଏ ଖେଞ୍ଜା ମାଞ୍ଜେରି;

୧୨ ପାପୁତି ମୀରଏସି କୟିନ, ଏଞ୍ଜାଣିଲେହେଁ ଆଆଦୁ, ଏଞ୍ଜାସି ତାନି ତାୟି ହେବଲଇଁ ପାୟିଡେସି; କୟିନ ଏଞ୍ଜାଣାଇଁ ଏନାଆଁତାକି ପାୟିଡେସି ? ଇତିହିଁ ତାନି କାମା ପାପୁ ଗାଟାୟି, ଅଡ଼େ ହେବଲତି କାମା ଦାର୍ମୁଗାଟାୟି ମାତେ □

୧୩ ନା ତାୟି ତାଜିସ୍ତାତେରି ଦାରତିତି ଲକୁ ମିଜେ ଅପାଆତ
ଜିକେଏ ମୀରୁ କାବା ଆଆଦୁ □

୧୪ ☆ମାର ପୁଞ୍ଜାମାନାୟି, ମାର ହାକିତି ଜୀଣାଆହାନା ଜୀଞ୍ଜୁ
ବେଟାଆହାମାନାୟି, ଇତିହ ମାର ତାୟି ତାଜିସ୍ତାଣି ଜୀଞ୍ଜୁନହ
ମାନାୟି, ଆମ୍ବାଆସି ଜୀଞ୍ଜୁ ନଅସି, ଏଞ୍ଜାସି ହାହାଲି ମାନେସି □

୧୫ ଆମ୍ବାଆସି ଜାହାରା କ୍ରୀସ୍ତାନା ତାୟି ତାଜିଇଁ ଅପଅସି, ଏଞ୍ଜାସି
ଲକୁଣି ପାୟିନାସି; ଅଡେ ଲକୁଣି ପାୟିନାରି ତାଣା କାଲ୍ଲକାଲ୍ଲାତି
ଜୀଞ୍ଜୁ ତୟେଏ, ଇଦାଆଁ ମୀରୁ ପୁଞ୍ଜାମାଞ୍ଜେରି □

୧୬ ଜୀସୁ କ୍ରୀସ୍ତ ମା ତାକି ଜୀଞ୍ଜୁ ହୀତାକି ମାର ଜୀଞ୍ଜୁନନାୟି ଏନାୟି
ଇଞ୍ଜୁ ପୁଞ୍ଜାମାନାୟି; ଅଡେ ତାୟି ତାଜି ତାକି ମା ଜୀଞ୍ଜୁ ଜିକେଏ
ହୀନାୟି ମାନେ □

୧୭ ସାମା ଆମ୍ବାଆସି ଦାରତିତା ଦନ ଗାଟାସି ଆହାନା ତାନି
ତାୟିତି ଲଡ଼ାମାନାଣି ମେସାନା ଜିକେଏ ଏଞ୍ଜାଣାଇଁ କାର୍ମା ମେହଅସି
ଇତିସାରେ, ତାନି ହିୟାଁତା ମାହାପୁରୁତି ଜୀଞ୍ଜୁନନାୟି ମାନେ ଇଞ୍ଜୁ
ଏନିକ୍ ଏଲେଇନାୟି ?

୧୮ ନା ମୀରକା ମାସକା ଝାଦୁ, ମାର ଜଲ୍ଲା ଜକଡ଼ି ତଲେ ଜୀଞ୍ଜୁ
ନଆନା କାମା ଅଡେ ସାତା ତଲେ ଜୀଞ୍ଜୁ ନନାଣି ତହନାୟି ମାନେ □

୧୯ ଏଲେ କିତିସାରେ ମାର ସାତାତି ମୀରକା ମାସକାତାୟି ଇଦାଆଁ
ପୁଞ୍ଜାମାନାୟି, ଅଡେ ଏନି କାତା ମା ହିୟାଁ ମାଞ୍ଜେ ଦହ କିୟାନେ, ଏ
କାତାତା ଏଞ୍ଜାଣି ନକିତା ମା ହିୟାଁ ସୁସ୍ତି କିୟାଲି ଆଡ଼ିନାୟି;

୨୦ ଏମିନି କାମାତା ମା ହିୟାଁ ମାଞ୍ଜେ ଦହ ଦସ୍ତାନେ, ଏମ୍ବାଟି ଏଞ୍ଜାଣି
ନକିତା ଏ କାତାତାକି ମା ହିୟାଁତି ସୁସ୍ତି କିହାଲି ଆଡ଼ିନାୟି; ଇତିହ
ମାହାପୁରୁ ମା ହିୟାଁଟିଏ କାଜାସି, ଏଞ୍ଜାସି ବାରେ ପୁନେସି □

୨୧ ନା ଜୀଞ୍ଜୁତି ତଣେସିଙ୍ଗା ମା ହିୟାଁ ମାଞ୍ଜେ ଦହ ଦସ୍ତାଆତିହ,
ଆତିହ ମାର ମାହାପୁରୁ ନକିତା ସାସାତଲେ ନିଚାଲି ଆଡ଼ିନାୟି □

୨୨ ଅଡେ ମାର ଏନାଆଁ ରୀହନାୟି, ଏ ବାରେ ଏଞ୍ଜାଣି
ତାଣାଟି ବେଟାଆହି ମାନାୟି, ଇତିହ ମାର ତାନି ହୁକୁମି ମାନୁଞ୍ଜି
ଆହିମାନାୟି, ଅଡେ ତାନି ନକିତା ଏନାୟି ନେହାୟି ଏଦାଆଁ
କିହିମାନାୟି □

୨୩ ☆ତାନି ହୁକୁମି ହୀହାମାନିଲେହେଁ, ମାର ତାନି ମୀରଏସି ଜୀସୁ କ୍ରୀସ୍ତ ଦରୁତଲେ ନାମିନାୟି ଅଡ଼େ ତାନି ହୀତି ହୁକୁମି ତଲେ ରଅତାୟି ରଅଣାକ୍ ଜୀଝୁନନାୟି □

୨୪ ଆମ୍ବାଆସି ମାହାପୁରୁତି ହୁକୁମି ମାନଝି ଆନେସି, ଏଝାସି ମାହାପୁରୁ ତଲେ ଡ଼ୟିନେସି, ଅଡ଼େ ମାହାପୁରୁ ଏଝାଣି ତାଣା ଡ଼ୟିନେସି; ଇଞ୍ଜା ମାହାପୁରୁ ମା ତାଣା ଡ଼ୟିନେସି, ଇଦାଆଁ ମାର ତାନି ହୀହାମାଞ୍ଜାନି ଜୀଝୁତଲେ ପୁଞ୍ଜିମାନାୟି □

୪

ସାତା ମାହାପୁରୁତି ଜୀଝୁ ଅଡ଼େ ମିତି ଜୀଝୁ

୧ ନା ଜୀଝୁତି ତାୟି ତାଙ୍ଗିସ୍ମା, ବାରେ ଜୀଝୁୟାକ୍ ନାମାଆଦୁ, ସାମା ଏଝାରି ବେଟାଆହାମାନି ଜୀଝୁୟା ମାହାପୁରୁ ତାଣାଟି ଝାହାମାନୁ କି ଆଏ ଇଦାଆଁ ନେହଁକଁ ତାୟିପାରି କିଦୁ, ଏନାଆଁତାକି ଇତିହଁ ଦାର୍ତତିତା ହାରେକା ମିତି ମାହାପୁରୁ ବଲୁ ଝେହନାରି ହଡ଼ାମାନେରି □

୨ ଇଲେ କିତିହଁ ମୀରୁ ମାହାପୁରୁତି ଜୀଝୁତି ପୁଞ୍ଜାଲି ଆଡ଼ିଦେରି, କ୍ରୀସ୍ତ ଜୀସୁ ମାଣ୍ଠି ଆଙ୍ଗା ଝାଣା ତଲେ ଝାହାମାନେସି, ଇଦାଆଁ ଆମିନି ଜୀଝୁ ଜଲିନେ, ଏଡ଼ି ମାହାପୁରୁ ତାଣାଟି ଝାହାମାନେ □

୩ ଅଡ଼େ ଆମିନି ଜୀଝୁ ଜୀସୁକ୍ ନାନୁ ପୁଞ୍ଜାହିଲଅଁ ଇଞ୍ଜଁ ଜଲିନେ, ଏଡ଼ି ମାହାପୁରୁ ତାଣାଟି ଝାହାହିଲେଏ; ସାମା ଏଡ଼ି ନାଡ଼ିକିନି କ୍ରୀସ୍ତତି ଜୀଝୁ, ଆମିନି ଜୀଝୁତି ଝାନି କାତା ମୀରୁ ଝେଞ୍ଜାମାଞ୍ଜେରି, ଇଞ୍ଜା ଏଡ଼ି ନୀଏଁ ଜିକେଏ ଦାର୍ତତିତା ଝାଡ଼େୟିଏ □

୪ ଜୀଝୁତି କକାରି ପଦାଁତେରି, ମୀରୁ ମାହାପୁରୁ ତାଣାଟି ଜାର୍ନା ଆଡ଼ାତେରି, ଅଡ଼େ ମୀରୁ ନାଡ଼ିକିନି ବଲୁ ଝେହନାରାକ୍ ଜୀଣା ଆହାମାଞ୍ଜେରି, ଇତିହଁ ମୀ ତାଣା ଆମ୍ବାଆସି ମାନେସି, ଏଝାସି, ଦାର୍ତତିତା ଆମ୍ବାଆସି ମାନେସି ଏଝାଣି କିହାଁ କାଜାସି □

୫ ନାଡ଼ିକିନାରି ଦାର୍ତତିଟି ଝାହାମାନେରି, ଇଦାଆଁତାକି ଏଝାରି ଦାର୍ତତିତି କାତା ଝେହନେରି, ଅଡ଼େ ଦାର୍ତତିତାରି ଏଝାରି କାତା ଝେନେରି □

୬ ସାମା ମାର ମାହାପୁରୁ ତାଣାଟି ଜାର୍ନା ଆହାମାନାୟି; ଆମ୍ବାଆସି ମାହାପୁରୁଇଁ ପୁନେସି, ଏଝାସି ମା କାତା ୱେନେସି; ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାହିଲଅସି, ଏଝାସି ମା କାତା ୱେନଅସି, ଏମ୍ବାଟି ସାତାତି ଜୀଝୁ ଅଡେ ନାଡିକିନି ଜୀଝୁ ପୁଞ୍ଜାଲି ଆଡିନାୟି □

ଜୀଝୁ ନଝିଆନାୟି

୭ ନା ଜୀଝୁତି ତଢେସିଙ୍ଗା, ରଅତେରି ରଅଣାଇଁ ଜୀଝୁନଦୁ, ଇଚିହିଁ ଜୀଝୁନନାୟି ମାହାପୁରୁ ତାଣାଟି ୱାନ୍ନେ, ଆମ୍ବାଆସି ଜୀଝୁ ନନେସି, ଏଝାସି ମାହାପୁରୁ ତାଣାଟି ଜାର୍ନା ଆହାମାନେସି, ଇଞ୍ଜା ଏଝାସି ମାହାପୁରୁଇଁ ପୁଞ୍ଜାମାନେସି □

୮ ଆମ୍ବାଆସି ଜୀଝୁ ନଅସି, ଏଝାସି ମାହାପୁରୁଇଁ ପୁନଅସି, ଏନାଆଁତାକି ଇଚିହିଁ ମାହାପୁରୁ ଜୀଝୁ ନନାସି □

୯ ଇମ୍ବାଆଁ ମାହାପୁରୁତି ଜୀଝୁନନାୟି ତଞ୍ଜା ଆହାମାନେ, ଏଝାସି ତାନି ରଣିଏ ମାରଏଣାଇଁ ଦାରତିତା ପାଣ୍ଡାତେସି, ଏନିକିଁ ମାର ଏଝାଣି ତାଣାଟି କାଲାକାଲାତି ଜୀଝୁ ବେଟାଆନାୟି □

୧୦ ମାର, ମାହାପୁରୁଇଁ ଜୀଝୁ ନତାୟି, ଏଡି ଆଏ, ସାମା ଏଝାସି ମାଙ୍ଗେ ଜୀଝୁ ନୟାତେସି, ଇଞ୍ଜା ତାନି ମାରଏଣାଇଁ ମା ପାପୁ ତାକି ପୂଜା ଆହାଲି ପାଣ୍ଡାତେସି; ଏଡି ଏମ୍ବାଟିଏ ଜୀଝୁନନାୟି ତଞ୍ଜା ଆହି ମାନେ □

୧୧ ନା ଜୀଝୁତି ତଢେସିଙ୍ଗା, ମାହାପୁରୁ ମାଙ୍ଗେ ଏନିକିଁ ଜୀଝୁ ନହାଁ ମାଞ୍ଜାନେସି, ମାର ଜିକେଏ ରଅତାୟି ରଅଣାଇଁ ଜୀଝୁ ନଝିଆନାୟି ମାନେ □

୧୨ ଆମ୍ବାଆସି ଏତେଲାଝା ମାହାପୁରୁଇଁ ମେସାହିଲଅସି; ସାମା ମାର ରଅତାୟି ରଅଣାଇଁ ଜୀଝୁନଝିଆନ, ଆତିହିଁ ମାହାପୁରୁ ମା ତାଣା ମାନେସି, ଅଡେ ତାନି ଜୀଝୁନନାୟି ମା ତାଣା ମାନେ □

୧୩ ମାର ମାହାପୁରୁ ତାଣା ମାନାୟି ଅଡେ ଏଝାସି ମା ତାଣା ମାନେସି, ଇଦାଆଁ ମାର ପୁଞ୍ଜାମାନାୟି, ଇଚିହିଁ ଏଝାସି ମାଙ୍ଗେ ତାନି ଜୀଝୁ ହୀହାମାଞ୍ଜାନେସି □

୧୪ ମାହାପୁରୁ ଆବା ତାନି ମୀରଏଣାଲ୍ ଦାରତି ଲକୁଣି ଗେଲପିନାସି ଆହାଲିତାକି ପାଣ୍ଡାଦେସି, ଇଦାଆଁ ମାର ମେସାମାନାୟି ଅଡେ ସାକି ହାହି ମାନାୟି □

୧୫ ଆମ୍ବାଆସି ଜୀସୁଲ୍ ମାହାପୁରୁତି ମୀରଏସି ଇଞ୍ଜିଁ ଝେକ୍ନେସି, ମାହାପୁରୁ ଏଞ୍ଜାଣି ତାଣା ମାନେସି, ଅଡେ ଏଞ୍ଜାସି ମାହାପୁରୁ ତାଣା ମାନେସି □

୧୬ ଅଡେ ମାଲେତାକି ମାହାପୁରୁତି ଆମିନି ଜୀସୁନନାୟି ମାନେ, ଏଦାଆଁ ମାର ପୁଞ୍ଜାମାନାୟି ଅଡେ ନାମାମାନାୟି □ ମାହାପୁରୁ ଜୀସୁ ନନାସି; ଆମ୍ବାଆସି ଜୀସୁ ନହଁ ମାନେସି ଏଞ୍ଜାସି ମାହାପୁରୁ ତାଣା ମାନେସି ଅଡେ ମାହାପୁରୁ ଏଞ୍ଜାଣି ତାଣା ଡୟିନେସି □

୧୭ ଦାମ୍ବୁତି ଜୀସୁତା ନୀତାମାନାକି ମାହାପୁରୁତି ଜୀସୁନନାୟି ମା ତାଣା ତୀରି ଆହାମାନେ, ମାର ନୀହାୟି ଦିନାତା ସାସା ବେଟାଆନାୟି, ଇତିହଁ କ୍ରୀସୁ ଏନିକଁ ମାନେସି, ମାର ଜିକେଏ ଇ ଦାରତିତା ଏଲେକିହଁଏ ମାନାୟି □

୧୮ ଜୀସୁ ନନି ତାଣା ଆଜି ତୁୟେଏ, ସାମା ସାତା ଜୀସୁନନାୟି ଆଜିତି ହେକ କିନେ, ଇତିହଁ ଆଜି ତଣ୍ଡ ବେଟାଆନାଣି ତଲେ ଆଣ୍ଡାମାନେ, ଇଞ୍ଜା ଆମ୍ବାଆସି ଆଜିନେସି ଏଞ୍ଜାସି ଜୀସୁ ନନି ତାଣା ତୀରିତାସି ଆଏ □

୧୯ ମାହାପୁରୁ ତଲିଏ ମାଲେ ଜୀସୁ ନୟାତାକି ମାର ଜୀସୁ ନହିମାନାୟି □

୨୦ ଆମ୍ବାଆସି ନାନୁ ମାହାପୁରୁଲ୍ ଜୀସୁ ନହଁମାଲ୍ ଇଞ୍ଜାନା, ଏଞ୍ଜାସି ତାନି ନାମିତି ତାୟି ତାଜିଲ୍ ଅପଅସି, ଆତିହଁ ଏଞ୍ଜାସି ମିତି ଝେହନାସି, ଇତିହଁ ଆମିନି ତାୟିଲ୍ ମେସାମାନେସି, ଏଞ୍ଜାଣାଲ୍ ଜୀସୁ ନଅସି, ଇତିହଁ ଆମିନି ମାହାପୁରୁଲ୍ ମେସାହିଲଅସି, ଏଞ୍ଜାଣାଲ୍ ଜୀସୁ ନହାଲି ଆଡଅସି □

୨୧ ଆମ୍ବାଆସି ମାହାପୁରୁଲ୍ ଜୀସୁ ନନେସି, ଏଞ୍ଜାସି ତାନି ତାୟିଲ୍ ଜିକେଏ ଜୀସୁ ନଡେସି, ଇ ହୁକୁମି ମାମ୍ବୁକ୍ରୀସୁ ତାଣାଟି ବେଟା ଆହାମାନମି □

ଦାର୍ତ୍ତିତା ଜୀଣା ଆନାୟି

୧ ଆମ୍ବାଆସି ଜୀସୁଇଁ କ୍ରୀସ୍ତ ଇଞ୍ଜିଁ ନାମିନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି ଜାର୍ନାକିତି ଆବାଇଁ ଜୀସୁ ନରେସି, ଏଞ୍ଜାସି ତାନିତାଣାଟି ଜାର୍ନା ଆହାମାନି ଲକୁଣି ଜିକେଏ ଜୀସୁ ନରେସି □

୨ ମାର ଏତିବେଲା ମାହାପୁରୁଇଁ ଜୀସୁନନାୟି ଅଡ଼େ ତାନି ହୁକୁମି ମାନଞ୍ଜି ଆନାୟି, ଏତିବେଲା ଏଦାଆଁ ତଲେ ମାର ମାହାପୁରୁତି ମୀରକା ମାସକାଇଁ ଜୀସୁ ନହିମାନାୟି ଇଞ୍ଜିଁ ପୁଞ୍ଜାଲି ଆଡ଼ିନାୟି □

୩ ✨ମାହାପୁରୁଇଁ ଜୀସୁନନାୟି ମା ତାଣା ମାନେ, ଇତିହଁ ମାର ଏଞ୍ଜାଣି ହୁକୁମି ମାନଞ୍ଜି ଆନ, ଏଞ୍ଜାଣି ହୁକୁମି ମାନଞ୍ଜି ଆନାୟି ହାରେକା କସ୍ତୁ ଆଏ

୪ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ଦାର୍ତ୍ତିତି ଜୀଣାଆନେସି, ଅଡ଼େ ଏନାଆଁ ଦାର୍ତ୍ତିତି ଜୀଣା ଆହାମାନେସି, ଏଡ଼ି ମା ନାମୁ □

୫ ଜୀସୁ ମାହାପୁରୁ ମୀରଏସି, ଇଦାଆଁ ଆମ୍ବାଆସି ନାମିନେସି, ଏଞ୍ଜାଣି ପିସ୍ପେ ଆମ୍ବାଆସି ଦାର୍ତ୍ତିତି ଜୀଣା ଆନେସି ?

ଜୀସୁ କ୍ରୀସ୍ତ ତାକି ସାକି

୬ ଜୀସୁ କ୍ରୀସ୍ତ ଏୟୁ ଅଡ଼େ ନେତେରିତି ଖାହାମାତେସି, ଖାରଇ ଏୟୁତଲେ ଆଏ, ସାମା ଏୟୁ ଅଡ଼େ ନେତେରି ଇ ରୀ କୃତା ତଲେ ଖାହାମାତେସି; ଅଡ଼େ ସୁଦୁଜୀସୁ ଜିକେଏ ଏମ୍ବାତି ସାକି ହାହିମାନେ, ଇତିହଁ ଜୀସୁଏ ସାତା □

୭ ଇ ତାନି ଜାଣା ସାକି ମାନୁ □

୮ ସୁଦୁଜୀସୁ, ଏୟୁ ଅଡ଼େ ନେତେରି ଏଞ୍ଜି ରଣ୍ଡିଏ ସାକି ହାହିମାନୁ □

୯ ମାର ଲକୁ ହୀତି ସାକି ନାମିନାୟି, ଆଡ଼ିହଁ ମାହାପୁରୁ ହୀତି ସାକି ଏଦାଣିକିହାଁ ହାରେକା କାଜାୟି, ଅଡ଼େ ମାହାପୁରୁତି ସାକି ଇଦି, ଏଞ୍ଜାସି ତାନି ମୀରଏଣା ଖାକିଟି ସାକି ହାହାମାନେସି □

୧୦ ଆମ୍ବାଆସି ମାହାପୁରୁ ମୀରଏଣା ତାଣା ନାମିନେସି, ଏଞ୍ଜାସି ତାନି ହିୟାତା ଇ ସାକି ବେଗାଆହାମାନେସି; ଅଡ଼େ ଆମ୍ବାଆସି

ମାହାପୁରୁଷି ସାକି ନାମଅସି, ଏଞ୍ଜସି ମାହାପୁରୁଷ୍ ମିତି ଗାଟାସି
କିହାମାନେସି, ଇତିହ୍ ମାହାପୁରୁ ତାନି ମୀରୁଏଣା ଝାକିଟି ଆମିନି
ସାକି ହୀହାମାନେସି, ଏମ୍ପାଆଁ ଏଞ୍ଜସି ନାମାହିଲଅସି □

୧୧ ☆ଏ ସାକି ଇଦି, ମାହାପୁରୁ ମାଙ୍ଗେ ରାଆଗାଟି ଜୀଝୁ
ହୀହାମାଞ୍ଜାନେସି, ଅଡ଼େ, ଏ ଜୀଝୁ ତାନି ମୀରୁଏଣା ତାଣା ମାନେ
□

୧୨ ଆମ୍ପାଆସି ମାହାପୁରୁ ମୀରୁଏଣାଲ୍ ବେଟାଆହାମାନେସି,
ଏଞ୍ଜସି ଜୀଝୁ ବେଟାଆହାମାନେସି; ଆମ୍ପାଆସି ମାହାପୁରୁ
ମୀରୁଏଣାଲ୍ ବେଟାଆହାହିଲଅସି, ଏଞ୍ଜସି ଜୀଝୁ ଜିକେଏ
ବେଟାଆହାହିଲଅସି □

ରାଆଗାଟି ଜୀଝୁ

୧୩ ମୀରୁ ମାହାପୁରୁ ମୀରୁଏଣା ଦରୁ ନାମାମାଞ୍ଜେରି, ମୀରୁ
ଏନିକ୍ ପୁଞ୍ଜାମାଞ୍ଜେରି, ରାଆଗାଟି ଜୀଝୁ ବେଟା ଆହାମାଞ୍ଜେରି,
ଇଦାଆଁତାକି ନାନୁ ମିଙ୍ଗେ ଇ ବାରେ ରାଟାମାଞ୍ଜାଲ୍ □

୧୪ ଇଞ୍ଜା ମୀରୁ ମାହାପୁରୁ ଅଣ୍ପୁତି ଲେହେଁ ପ୍ରାତାନା କିନାୟି,
ଆତିହ୍ ଏଞ୍ଜସି ମା ପ୍ରାତାନା ଝେଞ୍ଜାନେସି, ଇଞ୍ଜା ମାହାପୁରୁ ତାଣା
ମା ବାସ୍ତୁ ମାନେ □

୧୫ ଅଡ଼େ ମୀରୁ ଏଞ୍ଜାଣି ତାଣା ଏନାଆଁ ପ୍ରାତାନା କିନାୟି,
ଏଦାଆଁ ଏଞ୍ଜସି ଝେଞ୍ଜାନେସି ଇଞ୍ଜା ମୀରୁ ପୁଞ୍ଜାମାନାୟି, ଆତିହ୍
ଏଞ୍ଜାଣି ତାଣା ମୀରୁ ଏନାଆଁ ପ୍ରାତାନା କିହିମାନାୟି, ଏ ବାରେ
ବେଟାଆହାମାନାୟି, ଇଦାଆଁ ଜିକେଏ ପୁଞ୍ଜାମାନାୟି □

୧୬ ମୀ ନାମିତି ତାୟି କି ତାଙ୍ଗିଲ୍ ପାପୁ କିହିମାନାଣି ମେହ୍‌ଦେରି
ଇତିସାରେ, ଅଡ଼େ ଏ ପାପୁ ହାଝି କିନାୟି ଆଏ, ଏ ତାୟି
ତାଙ୍ଗି ତାକି ମାହାପୁରୁ ତାଣା ପ୍ରାତାନା କିଦୁ, ଅଡ଼େ ମାହାପୁରୁ
ଏନିକ୍ ହାନିହ୍‌ଗେଟି ପାପୁ କିହାହିଲଆ ଲକୁଣି ଜୀଝୁ ହୀନେସି,
ଏଲେକିହ୍ ଏ ଏଞ୍ଜରାକି ଜିକେଏ ଜୀଝୁ ହୀନେସି, ହାନିହ୍‌ଗେଟି
ପାପୁ ମାନେ ଇଞ୍ଜା ଏଞ୍ଜାରି ତାକି ପ୍ରାତାନା କିହାଲି ଝେସିହିଲଅଁ □

୧୭ ବାରେ ଲାଗେଏତି କାମା ପାପୁ, ସାମା ବାରେ ପାପୁ ହାଝି କିଏ
□

୧୮ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନାସି, ଏଝାସି ପାପୁ
କିଅସି, ଏନାଆଁତାକି ଇତିହୁଁ ଏଝାସି ମାହାପୁରୁ ତାଣାଟି ଜାର୍ନା ଆହାଁ
ଜାହାରାଇଁ ଗେଲୁପା କଡିନେସି, ଅଡେ ପାପୁତି ଜୀଝୁ ଏଝାଣାଇଁ
ତୀଗେଏ, ଇଦାଆଁ ମାର ପୁଞ୍ଜାମାନାୟି □

୧୯ ମାର ମାହାପୁରୁ ତାଣାଟି ଜାର୍ନା ଆହାମାନାତାୟି ଇଞ୍ଜା ବାରେ
ଦାରତିଇଁ ସୟତାନ ଲକ୍‌ହାମାନେ, ଇଦାଆଁ ମାର ପୁଞ୍ଜାମାନାୟି □

୨୦ ମାର ପୁଞ୍ଜାମାନାୟି, ମାହାପୁରୁ ମାରଏସି ଝାହାମାନେସି, ଇଞ୍ଜା
ଏଝାସି ମାଲେ ସାତାତାଣାଇଁ ପୁଞ୍ଜାଲି ବୁଦି ହୀହାମାଞ୍ଜାନେସି; ଅଡେ
ମାର ଏ ସାତାଗାଗାଣି ତାଣା, ଇତିହୁଁ ତାନି ମାରଏସି ଜୀସୁ କ୍ରୀସ୍ତ
ତାଣା ନୀତାମାନାୟି, ଏଝାସି ସାତା ମାହାପୁରୁ ଅଡେ ରାଆଗାଟି ଜୀଝୁ
ଗାଗାସି □

୨୧ ନା ଜୀଝୁତି ମାରକା ମାସ୍କାତେରି ପେଣ୍‌କା ବମାୟାଁ ତାଣାଟି
ମୀରୁ ହେକ ଆହାନା ମାଞ୍ଜୁ □

ପୁସ୍ତକ ଶିକ୍ଷା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଶିକ୍ଷା,

କୁସାଲ ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20